



Broj: 03-45-1-1285/22
Maglaj: 21.06.2022.godine

OPĆINSKO VIJEĆE

Predmet: Prijedlog „Vizija razvoja MZ-a Općine Maglaj“, dostavlja se,-

Općina Maglaj je potpisala Sporazum između Razvojnog programa Ujedinjenih nacija (UNDP) o provedbi aktivnosti na Projektu "Jačanje uloge mjesnih zajednica u Bosni i Hercegovini" II faza, koji će trajati 27 mjeseci. Ovaj projekat finansiraju Vlade Švicarske i Švedske, a provodi Razvojni program ujedinjenih nacija.

Općina Maglaj je time direktno uključena u projekat „Jačanje uloge mjesnih zajednica u BiH“ gdje je ukupni cilj projekta doprinijeti kvalitetnijem životu građana Bosne i Hercegovine kroz osnažene, rodno odgovorne MZ koje potpomažu aktivan angažman građana u javnom životu i služe kao generator demokratskih promjena u društvu.

Kao specifični ciljevi projekta postavljaju se:

1. Promovisanje digitalne platforme za MZ sa primjerima dobre prakse i iskustava;
2. Osiguranje ograničene tehnička pomoć za jedan broj JLS (5 na prostoru Općine Maglaj) kako bi provele javne konsultacije za utvrđivanje nove vizije i prilagodile svoj regulatorni okvir u svrhu osnaživanja MZ i realizacije nove vizije;
3. Na višim nivoima vlasti pokrenuti pripremu regulatornog okvira i javnih politike u oblasti lokalne samouprave kako bi osigurali institucionalnu stabilnost za MZ.

Shodno navedenom, u prilogu vam dostavljamo Prijedlog „Vizija razvoja MZ-a Općine Maglaj“ na usvajanje, nakon čega će se imenovati Radna grupa koja će imati za cilj da u periodu od najkasnije 90 dana od dana usvajanja ove Vizije, izradi Operativni plan implementacije Vizije razvoja mjesnih zajednica za Općinu Maglaj za period 2023-2025.


Obrađivač: Eldina Mehinagić

DOSTAVLJENO:

1. Naslovu,
2. a/a



NAČELNIKA OPĆINE
Mirsad Mahmutagić



Polazeći od činjenice da je lokalna samouprava jedan od temelja ustavnog uređenja te da je mjesna zajednica jedan od najznačajnijih oblika učešća građana i građanki u procesu donošenja odluka na lokalnom nivou, sa najdužom tradicijom postojanja,

Uzimajući u obzir opredjeljenje za razvoj lokalne demokratije u skladu sa principima Evropske povelje o lokalnoj samoupravi,

Svjesni potrebe da se učešće građana i građanki u donošenju odluka na lokalnom nivou treba poboljšati i da ga je na najbolji način moguće ostvariti kroz mjesnu samoupravu te saradnju mjesne zajednice i organa jedinice lokalne samouprave,

U želji da se građanima i građankama olakša pristup javnim uslugama te da se osigura lokalni razvoj po mjeri svakog građanina uz premisu da „niko ne smije biti isključen“,

Shodno odredbama Zakona o principima lokalne samouprave u Federaciji BiH i Statuta Općine Maglaj gdje je predviđeno da jedinice lokalne samouprave u okviru svojih nadležnosti uspostavljaju organizaciju i stvaraju uslove za ostvarivanje mjesne samouprave, te da Općinsko vijeće kao organ odlučivanja utvrđuje općinsku politiku i prati njeno ostvarivanje, mi vijećnici, na sjednici Općinskog vijeća Općine Maglaj, na svojoj 17.redovnoj sjednici održane dana da-mm-gggg usvajamo:

VIZIJU RAZVOJA MJESNIH ZAJEDNICA U OPĆINI MAGLAI

1. Vizija razvoja mjesnih zajednica temelji se na sljedećim principima:

- **Reprezentativnost** – U izboru organa mjesnih zajednica treba obezbijediti učešće što većeg broja različitih kategorija stanovništva kako bi se postigla njihova proporcionalnost zastupanja i rada, naročito vodeći računa o mladima, ženama i socijalno isključenim kategorijama.
- **Odgovornost** – Mjesna zajednica mora biti odgovorna prema svojim građanima i građankama, ali i prema lokalnim vlastima. Legitimno izabrani predstavnici mjesnih zajednica trebaju odgovorno vršiti funkcije koje su im dodijeljene.
- **Inkluzivnost** – Povećati uključenost svih građana i građanki u rad i aktivnosti mjesnih zajednica, naročito žena, mladih i socijalno isključenih grupa.
- **Koordinacija** – Unaprijediti koordinaciju, komunikaciju i međusobnu saradnju između mjesnih zajednica i organa lokalne vlasti kao i između mjesnih zajednica i građana i građanki i ostalih aktera od značaja za razvoj mjesne zajednice kao što su organizacije civilnog društva, komunalna preduzeća, lokalne javne institucije, ne ograničavajući se na navedeno.
- **Transparentnost i hijerarhija** – Smanjiti mogućnosti za zloupotrebe, osigurati zakonitosti i odgovornost u radu mjesnih zajednica kao i otvorenost za javnost i dostupnost informacija.
- **Profesionalizacija i osposobljenost predstavnika mjesnih zajednica** – Povećati nivo profesionalizacije i osposobljenosti predstavnika mjesnih zajednica kroz kontinuiranu edukaciju i obuku, te osiguravanje prijenosa stečenog znanja i iskustava na sve buduće predstavnike mjesnih zajednica.
- **Nezavisnost i depolitizacija** – Omogućiti nezavisno i depolitizovano funkcionisanje mjesnih zajednica, kao predstavnika zajednice i građana i građanki u poslovnima zastupanja njihovih interesa kroz nezavisno donošenje odluka u skladu sa zakonom i statutom.

- **Demokratskog odlučivanja i participativnosti** – Kao principa koji će osigurati demokratsko pravo na učešće u odlučivanju kao i pravo da građani i građanke imaju pravo da biraju i budu birani na pozicije koje obavljaju u strukturama uspostavljenih tijela mjesne zajednice.
2. Vizija razvoja mjesnih zajednica u Općini Maglaj sprovodiće se kroz četiri modela mjesne zajednice:
 - Mjesna zajednica kao prostor za zagovaranje i pristup upravi;
 - Mjesna zajednica kao mjesto za pružanje usluga stanovništvu;
 - Mjesna zajednica kao društveni centar;
 - Mjesna zajednica kao prostor za učešće građana.
 3. Vizija razvoja mjesnih zajednica kroz model **Mjesna zajednica kao prostor za zagovaranje i pristup upravi** sprovodiće se kroz sledeće identifikovane funkcionalne oblasti:
 - Aktivnije uključivanje mjesnih zajednica u proces izrade i usvajanja budžeta Općine i ostalih ključnih lokalnih propisa, politika i strateških dokumenata uz obezbeđenje pravovremenih povratnih informacija predstavnicima mjesnih zajednicama;
 - Unapređenje procedura za finansiranje, rad i razvoj mjesnih zajednica uzimajući u obzir princip ravnomjernog razvoja cjelokupne teritorije općine Maglaj;
 - Promociju uloge mjesne zajednice u animiranju građana i građanki za aktivnije učešće u javnim raspravama o budžetu, izradi lokalnih strategija, urbanističko-planske dokumentacije, izmjenama Statuta Općine kao i u drugim pitanjima od značaja i interesa za građane i građanke u mjesnim zajednicama;
 - Utvrđivanje učinkovitih metoda i procedura za efikasnu komunikaciju između Općine Maglaj i mjesnih zajednica sa posebnim akcentom na pružanje pravovremenih povratnih informacija predstavnicima i predstavnicama vijeća mjesnih zajednica kroz sistemsko i institucionalizovano uređenje protoka informacija između općinske uprave i mjesnih zajednica;
 - Podizanje svijesti o potrebi većeg učešća žena u strukturama mjesne zajednice i akcijama koje mjesna zajednica vodi u svrhu osiguravanja kvalitetnijeg života za sve na području mjesne zajednice;
 4. Vizija razvoja mjesnih zajednica kroz model **Mjesna zajednica kao mjesto za pružanje usluga stanovništvu** sprovodiće se kroz sledeće identifikovane funkcionalne oblasti:

- Stvaranje minimalnih organizacijskih, prostornih i tehničkih uslova za rad svih mjesnih zajednica na području općine Maglaj u skladu sa dobrim praksama u upravljanju mjesnim zajednicama, uvođenje programa obuke za osobe zadužene za rad sa mjesnim zajednicama kao i veća finansijska izdvajanja za troškove rada mjesnih zajednica;
- Stvaranje uslova da mjesna zajednica bude prepoznata kao mjesto gdje građani i građanke dobijaju pravovremene i pouzdane informacije, ostvaruju svoja prava i rješavaju probleme;
- Obezbjedenje efikasne administrativno-tehničke podrške od strane općinske uprave za kvalitetniji rad mjesnih zajednica;
- Jačanje saradnje između mjesnih zajednica i javnih komunalnih preduzeća, civilne zaštite, policije, zdravstvenih i školskih ustanova, centara za socijalni rad u cilju kvalitetnijeg pružanja usluga stanovnicima mjesnih zajednica;
- Jačanje kapaciteta i uloge mjesne zajednice u kvalitetnoj podršci socijalno isključenim grupama stanovništva i zaštiti stanovništva prilikom elementarnih nepogoda;
- Osnježivanje kapaciteta mjesnih zajednica u organizaciji građanskih volonterskih radnih akcija;

5. Vizija razvoja mjesnih zajednica kroz model ***Mjesna zajednica kao društveni centar*** sprovodiće se kroz sledeće identifikovane funkcionalne oblasti:

- Osiguranje infrastrukturnih i tehničkih uslova kojim će se dugoročno ispuniti uloga mjesne zajednice kao društvenog centra ali i formalno-pravno uređenje korištenja prostorija mjesne zajednice kao društvenog centra, centra kulture i sporta;
- Promocija građanskog aktivizma u mjesnim zajednicama i zastupanje interesa građana i građanki kroz afirmaciju građanskog aktivizma;
- Jačanje saradnje između mjesnih zajednica na području općine Maglaj kako bi se što efikasnije angažovali na rješavanju problema od zajedničkog interesa;
- Promocija suživota u zajednici u kojoj su zastupljene različite nacionalnosti i osobe različitih društvenih statusa;
- Razvoj saradnje sa nevladinim organizacijama, naročito saradnje sa udruženjima koja zastupaju interese mladih, žena i osoba sa invaliditetom, i jačanje svijesti o ulozi nevladinih organizacija i mogućnostima za konkretnu saradnju mjesnih zajednica sa nevladinim organizacijama;
- Kontinuirano izdvajanje namjenskih sredstava za kulturu, sport i društvena događanja, kao i podsticanje inicijativa koje promovisu aktivizam pojedinaca u mjesnim zajednicama;

6. Vizija razvoja mjesnih zajednica kroz model ***Mjesna zajednica kao prostor za učešće građana*** sprovodiće se kroz sledeće identifikovane funkcionalne oblasti:

- Osiguranje prostora za okupljanje građana i građanki s ciljem njihovog učešća u procesima donošenja odluka na lokalnom nivou;
- Obezbeđenje materijalne i stručne podrške radu organa mjesnih zajednica, kako bi se postigao veći angažman, a posljedično i veće učešće građana i građanki u donošenju odluka i radu mjesnih zajednica;
- Utvrđivanje inovativnih mehanizama za proaktivnije učešće građana u javnim raspravama i drugim oblicima građanskog učešća u poslovima mjesne samouprave;
- Promocija foruma građana kao metoda rada sa građanima i građankama;
- Uključivanje žena u mjesnim zajednicama u procese donošenja planova za razvoj mjesnih zajednica, uključujući pitanja za poboljšanje života žena u MZ;
- Uspostavljanje učinkovitije komunikacije i većeg stepena informisanosti građana o pitanjima važnim za građansko učešće u donošenju odluka.

7. Zadužuje se načelnik Općine Maglaj da u periodu od najkasnije 90 dana od dana usvajanja ove Vizije, putem svojih stručnih službi izradi Operativni plan implementacije Vizije razvoja mjesnih zajednica za Općinu Maglaj za period 2023-2025.

Operativnim planom neophodno je utvrditi dinamiku implementacije predloženih mjera i aktivnosti, neophodna finansijska sredstva, odgovorne službe za njihovu implementaciju, načine mjerenja učinka, nadzor nad njegovom implementacijom kao i dinamiku izvještavanja, minimalno na godišnjoj osnovi.

8. Kroz izradu operativnog plana neophodno je predvidjeti mjere i aktivnosti koje će rezultirati što većim uključivanjem različitih kategorija stanovništva u organe mjesnih zajednica, kako bi se osigurala reprezentativnost i proporcionalnost u zastupanju i radu, naročito vodeći računa o zastupljenosti žena i mladih.